



Broj: 04-40-1-85/25
Sarajevo, 27.03.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 26.03.2025. do 08:30 sati 27.03.2025. godine

Zbog povećane opasnosti od poplava na području Kantona Sarajevo uslijed obilnih kišnih padavina, u toku jučerašnjeg dana po nalogu direktora Kantonalne uprave civilne zaštite Kantona Sarajevo, ekipa iz Sektora mjera zaštite i spašavanja je kontinuirano vršila obilazak područja koja su najugroženija od poplava u općinama: Ilidža, Novi Grad, Centar, Stari Grad, Vogošća, Ilijaš, Hadžići, Trnovo, kao i klizište na lokalitetu „Curine njive“ u Općini Stari Grad, te koordinirala sa općinskim strukturama civilne zaštite u cilju preduzimanja neophodnih mjera i aktivnosti na otklanjanju opasnosti od poplava i klizišta iz njihove nadležnosti i angažovanju nadležnih komunalnih službi na rješavanju problema iz njihove redovne djelatnosti.

Uslijed obilnih kišnih padavina koje su pogodile područje Kantona Sarajevo u toku jučerašnjeg dana i prethodne noći, došlo je do porasta nivo vodostaja svih vodotoka, te izlivanje rijeke Bosne na jednoj lokaciji i manjih bujičnih potoka na više lokaliteta, kao i pojave podzemnih voda, kao i problema iz komunalne djelatnosti (začepljenja šahtova, kanalizacionu cijevi i odvoda).

Stanje po općinama je slijedeće:

Općina Centar:

Općinska služba civilne zaštite Centar je u toku jučerašnjeg dana u naselju Nahorevo u ul. Svetozara Ćorovića br. 4., radila na uklanjanju gabiona iz korita Koševskog potoka u cilju sprječavanju njegovog izlivanja.

Općina Novo Sarajevo:

Obilne kišne padavine su izazvale probleme na slijedećim lokacijama:

- u ul. Hum brdo br. 32., došlo do izviranja vode na livadi koja je stvorila manji bujični potok koji je ugrozio individualni stambeni objekat,

- u ul. Orlovačka, iznad hotela Italija (prvo skretanje lijevo) evidentirano je, pucanje potpornog zida na više mjesta i njegovog pomjeranja, te probijanja nanosa zemlje ispod dijela potpornog zida. Na lokalitetu postavljene trake upozorenja
- na lokalitetu saniranog klizišta K4 (lokalni put Bušća-Pofalići) došlo je do razdvajanja cijevi drenažnog sistema i formiranja površinskog potoka,

Općinske strukture civilne zaštite Novo Sarajevo izašli na sve navedene opasnosti i preduzele mjere i aktivnosti na uklanjanju problema koje su izazvale kišne padavine.ž

Općina Novi Grad:

U naselju Rajlovac u ul. Rajlovačka cesta na dvije lokacija došlo je začepjenja šahtova i pojave podzemnih voda uslijed čega je jutros voda okružila i ugrozila jedan stambeni objekat. Općinske strukture civilne zaštite su izašli na teren sa mehanizacijom si preduzimaju mjere na otklanjanju opasnosti na tom lokalitetu.

Općina Ilidža:

Uslijed obilnih kišnih padavina u toku noći došlo je do naglog porasta visine vodostaja potoka i njegovog izlivanja u ul. Plantaže. Općinske strukture civilne zaštite Ilidža su postavili vreće sa pijeskom u ul. Plantaže, tako da je spriječeno izlivanje lokalnog potoka. Također, došlo je do pojave klizišta u ul. Hendekusa br. 184 u MZ Osjek, koje je ugrozilo jedan stambeni objekat. Ekipe Općinske službe civilne zaštite Ilidža je izašla na lice mjesta i preduzela neophodne mjera na sigurnosti građana na tom lokalitetu.

Općina Hadžići:

U toku noći sa 26./27.03.2025. godine, uslijed obilnih kišnih padavina došlo je do izljevanjima vode iz korita manjih vodotoka (potoka) i pojave bujičnih voda na slijedećim lokacijama:

- naselje Resnik, izlio se potok u blizini „Zavoda Pazarić“,
- naselje Donji Hadžići, izlio se lokalni potok,
- naselje Binježevo, izlio se potok Malotina i poplavo benzinsku stanicu i podrumne prostorije dva objekta,
- u ul. Garovci br. 17., poplavljena zemljište oko kuće,
- naselje Binježevo, poplavljena poslovna zona „Sloga“,
- naselje Buturovići kod Drozgometve, začepjenje propusta i izljevanje potoka,
- naselje Binježevo, ul. Potkraj br. 29., začepljen šaht koji kupi vodu šumskog potoka na lokaciji klizišta „Potkraj“, koje je sanirano 2024. godine,
- naselje Binježevo, ul. Čate br. 34., izlio se šumski bujični potok koji je ugrozio stambene objekte,
- naselje Ušivak br. 44., izlio se lokalni potok,
- naselje Grivići ul. Stari Grivići, izlio se potok u blizini objekta MZ,
- naselje Tarčin, voda u ušla u objekat pekare,
- u naselju Drozgometva, izlio se potok Vihrica, nisu ugroženi stambeni.

Na sve navedene lokacije izašle ekipe općinskih struktura civilne zaštite Hadžići sa mehanizacijom i preduzeli neophodne mjere i aktivnosti na otklanjanju opasnosti od poplava.

Općina Vogošća:

Na području Općine Vogošća uslijed kišnih padavina danas u jutranjim satima došlo je do izlivanja rijeke Bosne u Semizovcu. U Ul. Lug voda je ušla u podrumске prostorije jednog stambenog objekata, dok su u ul. Željeznička stanica poplavljene tri okućnice. Na terenu se općinske strukture civilne zaštite Vogošća sa ljudstvom i mehanizacijom i radne na otklanjanju opasnosti na tom lokalitetu.

Također, u toku jučerašnjeg dana i prethodne noći, općinske strukture civilne zaštite Vogošća su na više lokacija sa ljudstvom i mehanizacijom bili angažovani na rješavanju problema iz obalsti komunalne infrastrukture (otčepljenju šahtova i odvoda, ukalnjaju mulja, pijeska i nanosa sa saobraćajnica) koje su izazvale obilne kišne padavine

Općina Ilijaš:

Ekipa Općinske službe civilne zaštite Ilijaš su u toku jučerašnjeg dana sa mehanizacijom bila angažovana na otkalnjaju opasnosti od poplava na području MZ Srednje na lokalitetima: Šatorički potok u naselju Srednje, rijeka Ljubina i Rača na ušću u naselju Srednje, propusti u naseljima Lijepa Luka.

Općina Stari Grad:

Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju ranog upozoravanja ugroženog stanovništva i njihove eventualne evakuacije. Uposlenici Službe civilne zaštite Općine Stari Grad Sarajevo i pripadnici službi zaštite i spašavanja Općine Stari Grad Sarajevo, izlaskom na navedene lokacije dana 24.03.2025. godine, utvrdili su slijedeće stanje:

1) Lokalitet "Curine njive" – Opština Istočni Stari Grad i Općina Stari Grad Sarajevo (Bostarići)

Izlaskom na lice mjesta dana, 26.03.2025. godine uočeno je da su na terenu formirane pukotine uslijed naprezanja i pomjeranja tla duž klizne plohe te iste variraju u veličini, obliku i orijentaciji. Dolazi do vidljivih promjena oblika pukotina odnosno povećanje širine i dužine istih. Na dijelu lokaliteta "Curine njive-igralište" dolazi do konstantnog priliva vode jačeg intenziteta, koji stvara djelomični plavnu livadu. Pojave vode u zapadnom dijelu klizišta neposredno ispod nasipa ne može se tačno utvrditi. Ove vode prodiru u tijelo klizišta i slabe otporne karakteristike tla duž klizne plohe (pretpostavka je da se ista javlja iz podzemnih kaptaža koje trpe pritisak zemlje odnosno građevinskog materijala sa nasipa).

U dijelu ispod lokaliteta "Curine njive-igralište" (dio Općine Stari Grada Sarajevo) vidljiva promjena oblika ranije nastalih pukotina odnosno znatno povećanje širine i dužine istih, pojava novih kao i osipinja dijela zemlje na mjestu ranijih pukotina kao i osipanje dijela zemlje u dijelu šume prema prvim stambenim objektima koji se nalaze na području Općine Stari Grad Sarajevo.

Uslijed kišnih padavina u prethodnih 24 sata došlo je do znatnog povećanja količine vode na predmetnom lokalitetu. Teren je i dalje zavodnjen te ima negativan uticaj na procese klizanja tla. Zavodnjavanje može dodatno destabilizirati tlo, smanjujući njegovu čvrstoću i povećavajući rizik od klizanja.

2) Lokalitet "Knjeginjac" – Opština Istočni Stari Grad

Izlaskom na lokalitet "Knjeginjac" dana, 26.03.2025 .godine uposlenici Službe civilne zaštite Općine Stari Grad Sarajevo utvrdili su da se na predmetnom lokalitetu **ne vrši** odlaganja nove količine zemljanog i kamenog materijala odnosno da se ne izvode nikavi građevinski radovi.

3) Lokalitet Bistrički potok – Općina Stari Grad Sarajevo (Boguševac) i Opština Istočni Stari Grad

Izlaskom na lice mjesta dana 26.03.2025.godine uočeno je da je korito Bistričkog potoka i dalje djelimično zasuto materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala.

Uslijed kišnih padavina u prethodnih 24 sata došlo je do povećanja količine vode u koritu Bistričkog potoka.

4) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine i broj: 08-40-1128-2.1/24 od 20.11.2024.godine

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024. godine, uposlenici Službe civilne zaštite Općine Stari Grad Sarajevo redovno vrše obilazak stambenih objekata i građana ulica Bostarići, Ablakovina i Ablakovina čikma.

U skladu sa Planom evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024. godine, te Izmjenama i dopunama Plana evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-96/24 od 06.11.2024. godine, a koje je donio Općinski štab civilne zaštite Općine Stari Grad Sarajevo, uposlenici Službe civilne zaštite i Službe za poslove mjesnih zajednica Općine Stari Grad Sarajevo poduzimaju daljnje aktivnosti za smještaj stanovništva sa ugroženog područja u dostupne smještajne jedinice koje će biti osigurane posredstvom Općine Stari Grad Sarajevo.

5) Ostale nesreće

Dana, 25.03.2025. godine usljed kišnih padavina u prethodnih 24 sata te povećane količine padinskih voda sa Trebevića, na dijelu ulice Komatin, MZ "Širokača", došlo je do začepjenja kanalizacione cijevi te naglog izljevanja vode niz predmetnu ulicu. Usljed navedenog obustavljen je saobraćaj na predmetnom lokalitetu, te ekipe KJKP „VIK“ d.o.o. Sarajevo su poduzele hitne aktivnosti na otklanjanju kvara na kanalizacionoj mreži. Saobraćaj navedenim lokalitetom preusmjeren je na susjedne ulice (Hambina Carina, Brajkovac, Lipe).

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su pet inervencija i to: jednu veću i četiri manje intervencije.

Veća intervencija je bila dana, 26.03.2027. godine u 21:04 sati na gašanjeu zapaljenog krova kuće u ul. Vrela br. 12. u naselju Hrasnici. U intervenciji je učestvovalo pet vozila i 18 vatrogasaca. Požar je likvidiran dana, 27.03.2025. godine ui 04:06 sati. Pričenjana je materijalna šteta, dok povrijeđenih i nastradalih lica nije bilo.

Manje intervencije su bile slijedeće: dvije tehničke (jedan otvaranja vrata u stanu i jedna na klizištu „Curine njive“) i dva obazejbjeđenja (jedno na fudbalskoj utakmici i jedno na aerodromu).

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 7 °C, vlažnost zraka 100 %, barometarski pritisak 933,0 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu. Zbog obilnih kišnih padavina saobraća se po mokrom kolovozu, a na pojedinim dionicama veće količine vode na kolovozu usporavaju odvijanje saobraćaja.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a